



Publicaziuns officialas dils 12-03-2010

Damonda da baghegiar

Nr. 16/2010

Datum da publicaziun: 12-03-2010

Patrun: Pensiun Degonda, p.a. Lucas Tuor, 7176 Cumpadials

Object: Sanaziun dil tetg dalla casa nr. d'assec 121 sin parcella nr. 3053 a Cumpadials.

Nr. 17/2010

Datum da publicaziun: 12-03-2010

Patrun: Anton ed Jolanda Demont, 7172 Rabius

Object: Nova pegna da pellets ella casa nr. d'assec 428A sin parcella nr. 230 a Rabius.

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun. Eventualas protestas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 12-03-2010

Cumissiun da baghegiar Sumvitg

Protocol resultat dalla votaziun federela e cantunala dils 7 da mars 2010

Votants 1029

Projects federals

Perscrutaziun vid il carstgaun

Cedels dai giu	434
Vits	5
Nunvaleivels	1
Valeivels	428
Gie	265
Na	163

Iniziativa per in advocat dils animals

Cedels dai giu	457
Vits	2
Nunvaleivels	2
Valeivels	453
Gie	89
Na	364

Adattaziun dalla tarifa da conversiun minimala

Cedels dai giu	448
Vits	4
Nunvaleivels	2
Valeivels	442
Gie	213
Na	229

Project cantunal

Lescha generala davart la NUF

Cedels dai giu	463
Vits	0
Nunvaleivels	2
Valeivels	461
Gie	314
Na	147

Participaziun 43,78%

Sumvitg, 12-3-2010

Biro electoral

Seria d'informaziun dils uffecis forestals

Sursassiala e Sumvitg pertuccont il diever d'uau e diever digl ur d'uau

Mira sut Mustér.

Cuors da resgia a motor

Igl Uffeci forestal Sumvitg meina atras per convischinas e convischins da Sumvitg in cuors che muossa co ir entuorn segir cun ina resgia a motor. Plinavon vegn instruiu da gliemar la cadeina e da schubergiar e mantener la resgia.

Liug	Igniu
Datum	Sonda, 10 d'avrel 2010
Temps	08 ^{oo} - 12 ^{oo} uras
Cuosts	Frs. 40.- per persuna (ei da pagar il di da cuors)
Diember da participonts	min. 9 persunas, max. 15 persunas
Annunzias tier	Roger Keller, 079/ 763 59 49 ni dodge_rk@hotmail.com
Termin d'annunzia	Entochen gievia, 1. d'avrel 2010, allas 17 ^{oo} uras
Remarcas	Mintga participont duei prender cun el la resgia privata, ina cadeina nova ed ils uaffens dalla resgia. Il cuors ha liug da tutt'aura. Quei cuors vala buca sco permissiun da derscher plontas!

Il selvicultur da revier
Flurin Cathomas

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 12-03-2010

Departament stradal Sumvitg

Pass 2010 (pass biometric)

Naven digl 1. da mars 2010 vegn mo pli il niev pass 2010 tschentaus ora. Tier in'empustaziun d'in pass 2010 ni d'in pass 2010 en cumbinaziun cun ina nova carta d'identitad ston ins s'annunziar per telefon ni internet directamein tier igl uffeci responsabel a Cuera. Ei drova negina fotografia. Ei sto vegnir presentau il pass vegl e la carta d'identitad veglia sco era in assegn da domicil valeivel, il qual sa vegnir retratgs tier l'administraziun communal.

Uffeci da fatgs da polizia e da dretg civil dil Grischun
Via Gäuggeli 7, 7002 Cuera
Gliendisdis – gievgia allas 08.00 – 12.00 e 13.30 – 17.00 uras
Venderdis 08.00 – 16.00 uras
Tel.: 081 257 52 20, www.schweizerpass.ch

Novas cartas d'identitad (buca en cumbinaziun cul pass) san vegnir empustadas vinavon tier l'administraziun communal cun purtar ina fotografia e la carta d'identitad veglia.

Per eventualas damondas ed ulteriur sclariment stein nus bugen a Vossa disposiziun.

Sumvitg, 12-03-2010

Administraziun communal Sumvitg

Scoletta vischnaunca da Sumvitg

Annunzia per scoletta 2010/11

Tut ils geniturs che vulan schar frequentar la scoletta lur affons dall'annada 2005, duessan far aschi bien ed annunziar els a scret entochen ils **28-3-2010** cun indicar:

- num e prenum digl affon
- datum da naschientscha digl affon
- num e prenum dils geniturs
- adressa

Annunziar mo ils affons che vegnan gl'empren onn a scoletta.

Claudia Galluzzo-Bearth, Gir 692, 7172 Rabius, claudia.galluzzo@kns.ch.

Cussegl pastoral Rabius

Preziai tuts,

dumengia, **ils 21 da mars dallas 17.00** festivein nus la via dalla crusch sut tschiel aviert sil tschancun naven da Sumvitg a Clavadi. Nus sentupein tier l'emprema staziun (caraun sur Sumvitg) e meditein da cuminonza la passiuin da Niessegner Jesus Cristus contemplond las bialas staziuns renovadas. Nus selegrein sin ina biala participaziun. (Sch'enzatgi drova pusseivladad da seser tochen Sumvitg, astgan ins s'annunziar tier Gabriela Lutz, tel. 081 943 10 26.) Plinavon envidein nus las amaturas ed ils amaturus dallas canzuns ord il Selegra ad in exercezi da cant, **venderdis, ils 26 da mars dallas 20.00** en l'aula dalla casa da scola a Rabius. Nus engraziein gia ordavon a tut tgi che pren la peda da separticipar. A bien seveser e cordials salids *ils commembers dalla gruppia liturgica*

Pleiv Rabius: Radunonza generala

Sonda, **ils 20 da mars 2010 allas 20.00 uras** ell'aula dalla casa da scola a Rabius.

Societad da tir Vial Sumvitg

Invitaziun alla radunonza generala che ha liug **sonda, ils 20 da mars 2010 allas 20.00 uras** en l'ustria Surselva, Rabius. Cordialmein envida la suprastonza e cumissiun da tir.

Pro Senectute Surselva

Niev il venderdis! Sault a Sumvitg

Il proxim sault per seniors e senioras ha liug:

Datum: **Venderdis, ils 26 da mars 2010**

Temps: 14.00–18.00 uras

Liug: Ustria dalla staziun a Sumvitg

Musica: Simon Derungs

Sclariment: Ludivina Candinas-Collenberg, 7175 Sumvitg, tel. 081 943 19 22

Pro Senectute Surselva

Neu am Freitag! Tanzveranstaltung in Sumvitg

Der nächste Tanzanlass für jung gebliebene Senioren und Seniorinnen ist am:

Datum: **Freitag, 26. März 2010**

Zeit: 14.00–18.00 Uhr

Ort: Ustria dalla staziun in Sumvit (direkt beim Bahnhof)

Tanzmusik: Simon Derungs, Alleinunterhalter

Auskunft: Ludivina Candinas-Collenberg, 7175 Sumvitg, Tel. 081 943 19 22

Banca Raiffeisen Cadi

Radunonza generala 2010

La radunonza generala dalla Banca Raiffeisen Cadi ha liug **venderdis, ils 12 da mars 2010 allas 20.00 uras** en halla plurivalenta dil Center da sport a Mustér. *Cussegl d'administraziun Banca Raiffeisen Cadi*

Pro Senectute

Cuors «handy» practic/Kurs Handy – praktisch

Mira/siehe unter Disentis/Mustér.

Biblioteca Trun

Mira sut Trun.

Biblioteca populara, Mustér

Mira sut Disentis/Mustér.